


Bíblia ba labarik sira
aprezenta



Lalehan,
Uma Furak
Maromak
Nian



Hakerek na'in: Edward Hughes
Hahilas na'in: Lazarus
Alastair Paterson
Adapitasaun: Sarah S.
Tradusaun: José Guerreiro Junior
Produsaun: Bible for Children
www.M1914.org

BFC
PO Box 3
Winnipeg, MB R3C 2G1
Canada


©2020 Bible for Children, Inc.

Autorizasaun: Ita-boot iha direitu atu halo kopi ka printer
istória ida ne'e, desdeke la faan.




Bainhira Jesus moris iha mundu ne'e, Nia konta ba
ninia eskolante sira kona-ba lalehan. Nia bolu "Ha'u
nia Aman nia Uma", no hatete katak
iha ne'eba iha uma barak liu.

Iha lalehan boot no furak
liu duké uma kulaker
katak iha mundu ne'e.



Jesus hatete: "Ha'u ba atu prepara fatin ba imi hotu. No se ha'u bá no prepara fatin, ha'u sei fila no sei simu imi ba ha'u rasik." Jesus ba lalehan, depois katak nia moris mai fali husi mate. Enkunatu eskolanti sira haree hela, Jesus sai ba leten, no kalohan ida taka sira nia matan.



Hori tempu ne'e, kristaun sira hotu hanoin husi
promesa katak Jesus halo ne'ebe nia sei fila atu foti
sira. Jesus hatete katak sei fila derepente,
bainhira ema la hein. Maibe saida mak

akontese ho kristaun sira hotu
ne'ebe mate uluk Jesus fila?

Bíblia hatete katak sira
hotu ba diretamente
atu hasoru Na'i
Jesus no hela
hamutuk ho Nia.




Hela iha Lalehan
ho Cristo




Apokalipse, mak livru ikus husi BÍblia, fó hatene
mai ita nu'udar lalehan fatin ne'ebe maravillozu.
No buat ne'ebe mak maravillozu liu mak ho
forma espesial liu, lalehan mak Maromak nia uma.

Maromak hela iha fatin
hotu, maibe nia tronu
hela iha lalehan.




Anju sira adora Maromak iha lalehan ne'eba,
hamutuk ho Maromak nia povu ne'ebe mate
tiha ona no ba lalehan tiha ona.
Sira hananu muzika espesial
atu hahi Na'i.




Iha ne'e iha liafuan balun husi muzika ne'ebe sira hananu ne'eba: Ita Boot mak serve simu livru lulun ne'e hodi loke nia karimbu fatin, tanba ema oho tiha ona Ita Boot. Hodi Ita Boot nia raan, Ita Boot sosa kotu ona ema hosi suku, lian, povu

ho nasaun hotu-hotu para sai Na'i Maromak nia povu.
(Apokalipse 5:9)




Iha B́iblia ninia pájina sira ikus fó hatene kona-ba
lalehan nu'udar "Jerusalem Foun". Nia boot, boot
liu, ho muru aas iha liur. Muru ne'e uza fatuk naran
jaspe, klaru hanesan Kristal. Fatuk-murak ne'ebe
taka parede, ne'e nabilan ho kor oinoin ne'ebe
furak tebes.



Odomantan
ida-idak husi
sidade ne'e
uza pérola ida
de'it no boot liu!




Odomantan boot husi pérola nunka taka. Mai tama
atu haree...UAU! Lalehan furak liu iha laran, sidade
ne'e hotu husi osan-mean. To'o dalan mós husi
osan-mean.



Mota ida furak ho bee moos, ne'e Mota husi Bee Moris, mai husi Maromak nia tronu. Iha sorin sorin husi mota ne'e hela ai husi moris, katak dala primeiru hela iha jardin husi Éden. Ai ne'e especial liu. Nia iha ai-fuan sanulu resin rua diferente, ba kada fulan fuan ida lahensan. No tahan husi ai ne'e atu kura nasaun hotu-hotu.




Lalehan la presiza husi naroman husi loron ka fulan
atu leno. Maromak nia glória rasik mak nakonu ho
naroman ne'ebe maravillozu. Iha ne'eba kalan la iha.



To'o balada sira mós lahanesan iha lalehan. Sira hotu maus no di'ak. Asu-fuik no bibi-malae sira hela hamutuk no haan hamutuk. To'o Leaun ne'ebe poderozu sei haan duut hamutuk ho karau. Na'i dehan: "La halo aat ruma iha ninia foho."



Iha lalehan, bainhira
ita haree ba sorin,
ita bele haree katak
sei eziste buat
barak iha
ne'eba. Iha
ne'eba
nunika
rona
liafuan
hirus.
La iha
ema katak
baku malu ka
kan-teen.



Odomantan la
iha xavi, tanba
la iha naok-teen iha
lalehan. La iha
bosok-teen,
ohodór,
lian-na'in,
ka ema
seluk aat.
La iha
sala ruma
iha lalehan.



Iha lalehan, hamutuk ho
Maromak, la iha matan
been liu. Dala ruma iha
mundu ne'e Maromak nia
povu tanis tanba hetan
susar iha sira nia moris.
Iha lalehan, Maromak
sei hamaran ita nia
matan been hotu.




Iha lalehan no mós mate la iha. Maromak nia povu hela hamutuk ho nia rohan-laek. Laran-triste la iha, nein tanis. Moras la iha, Iha lalehan ita hotu haksolok nafatin ho Maromak.




Di'ak liu iha lalehan mak ne'eba fatin ba labarik, feto no mane, ba ema boot ne'ebe fiar ba Jesus Cristo nu'udar ninia Salvador no halo-tuir Nia nu'udar Na'i. Iha lalehan no mós iha livru ida ho naran Livru husi Moris. Nia nakonu hela ho ema nia naran. Ita hatene naran sá mak hakerek hela iha livru ne'eba? Naran hotu husi ema ne'ebe tau sira nia fiar ba Jesus.

No ita nia naran, hakerek hela iha ne'eba?



Liafuan ikus iha BÍblia kona-ba lalehan mak konvite ida ne'ebe maravillozu. "Maromak nia Espiritu ho noiva ne'e dehan, 'Mai ona!' Se mak hamrook, mai ona. Se mak hakarak hemu bee ne'ebe fó moris tinan ba tinan, kuru de'it tuir imi nia hakarak, lalika selu."



Lalehan, Uma Furak Maromak Nian

Istória ne'e husi Maromak nia Liafuan, Bíblia,

bele hetan iha

João 14;


2 Korinto 5;

Apokalipse 4, 21, 22

"Esplikasaun husi ita nia liafuan lori naroman."

Salmu 119:130





Loos

60

60



Istória ida ne'e husi Bíblia hatudu mai ita kona-ba ita nia Maromak Maravillozu katak hakiak ita hotu no hakarak katak ita koñese nia.

Maromak hatene katak ita halo buat ne'ebe aat, ne'ebe ita bolu sala. Sala ne'e nia kastigu mak mate, maibe Maromak hadomi tantu ita katak nia haruka ninia oan mesak, Jesus, atu mate iha kruz no selu ita nia sala tomak. Jesus moris fila-fali no ba ninia uma iha paraízu. Se ita fiar ba Jesus no husu ba Nia fó-perdua ita nia sala, Nia fó perdaun. Nia mai moris iha ita nia moris ohin, no ita sei moris ho Nia nafatin.

Se ita fiar katak ne'e mak lia-loos, dehan ida ne'e ba Maromak: Ha'u nia Jesus, ha'u fiar katak Ita-Boot mak Maromak, no sai mane atu mate tan ha'u nia sala, no agora Ita-Boot moris fila-fali. Halo favor, tama iha ha'u nia moris no perdua ha'u nia sala, atu ha'u bele iha moris foun ida, no loron ida sei ba hela hamutuk ho Ita-Boot nafatin. Ajuda ha'u halo tuir no moris ba Ita-Boot nu'udar ita nia oan. Amem.

Lee Bíblia no ko'alia ho Maromak loron ba loron! João 3.16

